


1320.7

844

新-40



欽定四庫全書考證

武英殿聚珍版

卷八十一 集部

北海集

鴻慶居士集

崧庵集

歐陽修撰集

蘆川歸來集

五峯集

北山集

浮山集

金華分府全書卷之十一  
橫浦集

湖山集

香溪集

雲莊集

太倉稊米集

海陵集

晦菴集

晦菴續集

晦菴別集

方舟集

文忠集

東萊集

東萊別集

臣蔣攸銛恭校

北海集 宋蔡崇禮撰

卷一

故丞相高平范公輓歌辭其一 小車何處臺前席起公  
卿原本車訛年據漢書田千秋傳改

題天台山石橋菴院首句林麓陰森徑屈盤五句霧暗  
雲蒸山氣蕭八句試出神光發現看案天台勝紀載  
此詩作題石梁瀑布屈盤作曲盤霧暗作霜暗發現  
作偏現俱與此異

卷二

宣奉大夫提舉亳州明道宮朱勝非可除觀文殿學士

充江西荆湖北路宣撫使制案宋勝非本傳高宗  
復辟授勝非觀文殿學士知洪州除江西安撫使兼  
知江州此云荆湖北路宣撫使與傳文互異觀制  
詞中馴暴虎而卒無所傷扶神器而終能返正是舉  
苗劉作亂高宗還宮時事勝非遷官自當以此制爲  
據

卷五

資政殿學士朝請大夫權知三省樞密院事滕康可落  
職提舉亳州明道宮資政殿學士朝散大夫權同知  
三省樞密院事劉珏可落職提舉江州太平觀制案

滕康本傳康與劉珏從隆祐太后如江西金人從江  
而渡御史張延壽劾之康責授秘書少監後乃復朝  
請大夫提舉明道宮觀此制詞似未嘗爲秘書少監  
而提舉明道宮卽責降時事與傳文小異

卷六

除劉光世淮南東路宣撫使制原本脫南字制詞中宣  
撫誤作安撫並據宋史本傳及後光世授寧武寧國  
軍節度使詞增改

除吳玠特授檢校少師奉寧保靜軍節度使制案宋史  
吳玠傳玠復鳳秦隴三州錄功拜檢校少師奉寧保

定軍節度使考地理志保定軍未建節度宣和時已廢爲縣惟肅州保靜軍紹興初猶存其地則玠授節度使自是保靜非保定矣此可以證史傳之訛

卷七

除韓世忠特授太尉依前武城感德軍節度使神武左軍都統制福建江西荆湖南北路宣撫副使加食邑食實封制原本脫副字與制詞不合考宋史世忠傳作副使職官志宣撫副使條下載福建韓世忠有此授今據增

除朱勝非特授依前左宣奉大夫守尚書右僕射制原本右訛左考宋史勝非傳先後俱爲右僕射制詞中還升於右揆亦與傳合今據改

除潘正夫特授檢校少保制蚤承寧德之歡晚託昭慈之愛原本慈訛茲案哲宗孟皇后諡昭慈聖獻今據改

觀文殿學士可除宣武軍節度使制案此制原本失載人名考宋史朱勝非傳曾以觀文殿學士除宣武軍節度使此制疑卽爲朱勝非作

卷八

賜川陝宣撫使司張浚詔原本不載人名考宋史張浚

傳爲川陝宣撫使吳玠最爲浚所知觀詔中屢述玠事則此詔爲賜浚無疑今據增入

卷十

賜新除資政殿大學士知温州范宗尹辭免恩命乞依舊宮祠不允詔案宋史范宗尹傳以沈與求奏劾其罪狀落職未幾命知温州不載除資政殿大學士此詔可補史傳之闕

卷十一

賜檢校少保吳玠詔增賁元戎陞華亞保案宋史吳玠傳玠先以饒風嶺之戰進檢校少保後再錄仙人關

功爲川陝宣撫副使據此詔書則是玠從宣撫川陝之日方除少保傳文必有先後錯誤之處

卷十二

賜戶部尙書兼侍讀黃叔敖乞除一在外宮觀差遣不允詔原本戶訛吏案詔詞遂長地官云云則是戶部非吏部也今據改

卷十四

賜新除端明殿學士左朝奉郎充江南東路安撫大使兼知建康府充壽春府滁濠和州無爲軍宣撫使李光辭免恩命不允詔案江南東路宋史作江東路滁

濠和州宋史作滁濠盧和與此小異

卷十六

賜知隨州李道欒諭勅書六月二案勅書原注止載日月而不繫年號以宋史考之則皆建炎元年以後所降

卷十九

昭慈獻烈皇后改諡祝文敢昭告於僖祖立道肇基積德起功憲文睿武至孝皇帝案宋僖祖諡號史但稱文獻此祝文載十六字後又載十四字或係後來刪節此仍原文

溫州景靈宮奉安昭慈聖獻皇后祝文太宗至仁應道神功聖德文武睿烈大明廣孝皇帝案宋太宗諡號史但稱神功聖德文武與此祝文不合又真宗膺

符稽古成功讓德文明武定章聖元孝皇帝案真宗諡號膺符宋史作應符成功宋史作神功此仍原文又英宗體乾膺歷隆功聖德憲文肅武睿神宣孝皇帝案英宗諡號體乾下原本衍一道字宣孝原本誤作宗孝今俱據宋史刪改又神宗體元法古立

憲帝德王功英文烈武欽仁聖孝皇帝案伯哲宗顯天斷道世德揚欽文睿武齊聖昭孝皇帝案神宗諡

號宋史作紹天法古運德建功英文烈武欽仁聖孝  
此惟下八字相符哲宗諡號宋史作憲元體道顯德  
定功欽文睿武齊聖昭孝此亦下八字相符未詳何  
時更定識之以備參考

卷二十一

論漢陳平降漢事大王所賜金具在請封送官原本請  
訛諸據漢書改

卷二十四

謝降官表伏奉告命以臣前任吏部侍郎日緣同部侍  
郎孟庾于臣私取案牘事特降授宣教郎案崇禮降

官在任禮部之後史傳闕載今集中有降官復官二  
謝表可備參考

卷二十五

代李邴辭免尙書左丞表考李邴傳作右丞案後謝表  
云左綱之任旁求乃先庸妄則是左丞非右丞也此  
可以證傳文之訛

卷二十九

代宰執謝賜喜雪御筵奏狀伏飲君恩遂歌九行之節  
下詢里俗更觀三日之詳原本歌詠軟考穆天子傳  
雨雪凍人天子歌九行之詩奏狀蓋用此也今據改

卷三十

上尚書李左丞啓注邴字漢老原本字訛子老訛考據李邴傳改

卷三十四

鄭公行狀太學官周種乞以王安石配享廟廷案周種宋史作周種

卷三十五

王公墓誌銘後徙爲濟南歷城人原本歷訛禹與題不合考宋史王衣傳作歷城人今據改

卷三十七

進歷代兵籌類要表謹採擇兵法配以往事參較得失與夫前王所以將將之術列之于篇凡十萬言分百餘門號曰兵籌類要案表中云九十萬言分百餘門今永樂大典所載不及其半或後人有所刪汰故其數不符

廉正篇昔趙衰以壺飧從徑餒而弗食原本趙衰訛趙襄子據左傳改

至公篇李典不以私憾怨張遼原本典訛曲據三國志改

卷三十八

志氣篇杜預曰德不可以企及立功立名可庶幾也原  
本企及訛同久據晉書改

諸葛亮旣拔冀城顏色愀然有吞魏之志原本城訛成  
據三國志改

卷四十

誠感篇安重榮立一箭百步而射之曰石公爲天子則  
中一發輒中原本重訛童據五代史改

卷四十二

知將篇周侯交不擇人而推心過差原本交訛各據陳  
書改

卷四十三

君命篇高崇文選兵五千常若寇至原本兵訛子據新  
唐書改

卷四十四

禮貌將臣篇劉劄歸太祖太祖以爲有李英公之風授  
都押衙太祖下諸牙將皆四鎮舊人鄒一旦居衆人  
之右原本四訛曰考五代史劉劄傳太祖領四鎮將  
吏皆功臣舊人今據改

內御篇太祖征張魯下教與護軍薛悌書原本張魯訛  
魚據三國志改

附錄上

降授宣教郎制朕體無私于天地行罰不阿于近臣考  
大法于春秋責人常備於賢者案崇禮謝降官表有  
經垂責備之文句正對制詞中春秋責備賢者而言  
知其非自舉也

翰林學士進兼侍讀制案翰林學士及後篇寶文閣學  
士原本俱誤作中書舍人考崇禮傳由翰林學士兼  
侍讀以寶文閣學士知紹興府制詞甚明題中偶誤  
今並據本傳改

附錄下

宋史列傳欲乞訪求故臣之家文獻事跡參照案事宋  
史傳誤作專今從永樂大典 又嘗進唐太宗錄刺  
史姓名于屏風故事曰連千里之封得良守則千  
里之民安原本封詛村今據宋史本傳改

鴻慶居士集 宋孫覿撰

卷一

疎山寺次白文林韻原本脫次字據宋詩鈔增

卷三

南山寺夢覺灘聲喧客枕原本灘喧二字互倒今改

卷四

洞庭善慶堂置酒布穀休催種提壺且勸酤原本勸酤訛歡歌據宋詩鈔改

卷七

張大資夫人輓詞早歲乘龍見伯鸞賜衣霞爛出齋壇

欽定四庫全書  
原本壇訛宮今改

卷十

上皇帝書漢昭帝覽燕國之詔書而獨得上官桀之詐  
原本昭訛商據漢書改

卷十三

回無爲知軍張徽猷啓包茅不入原本茅訛容據左傳  
改

卷十四

回趙解元啓餐秋菊以療饑初春蘭而爲佩原本餐訛  
如據楚詞改

卷三十六

宋故觀文殿大學士万俟公墓誌銘蠟言旒貌堯舜之  
徒原本貌訛而據柳河東集改

崧菴集

宋李處權撰

卷一

題東坡枯木玉堂揮翰手不數乘與裊原本乘訛來據  
漢書改

贈術士要知安分者魯叟正波波原本波波訛坡坡案  
岑參詩風塵奈汝何終日獨波波今據改

卷二

次韻陳叔易其一草碧波復綠南浦愁送君原本綠訛  
深據江淹別賦改

卷三

陪曾宏父登冷泉亭望飛來峯神祠天畫不可狀仰視  
孤高摩斗魁原本刊訛利據延平志神祠天劃語改  
夢江彥文交梨火棗開心田木鑽石盤今已穿原本鑽  
訛鍾據真話中傅先生木鑽穿石事改  
文度以大笏見遺奇偉特甚南越巨象何壯哉牙齒脫  
落歲幾枚削木混真易以埋玩視常恐生怒猜原本  
埋訛理據異物志改

卷四

同二三子步溪上鶯喧桑已樾燕乳麥初芒原本乳訛  
亂今改

卷五

觀潮其二豈計雙鳥兼乘雁誰分去馬與來牛原本鳥  
訛鳥據揚雄解嘲改

卷六

陪德久出郊公歸問訊菴中老隻履西來意淺深原本  
隻訛佳據達摩隻履西歸事改  
題錢德載雙清堂醉枕泉香分石脈吟牕樹老出雲根  
原本分訛兮今改

歐陽修撰集

宋歐陽澈撰

卷二

上皇帝第二書昔毛遂以三寸之舌強于百萬之師刊  
本于訛爲據史記改

卷三

上皇帝第三書肅清邊境則有王韶鍾傅舒亶种諤輩  
刊本韶訛詔據宋史改

蘆川歸來集

宋張元幹撰

卷二

夜宿宗公丈室林表登層閣秋聲隱暮鐘鴉歸苦竹寺  
雨閣亂雲峯案隱宋詩鈔作聽歸宋詩鈔作鳴與此  
不同

次韻晁伯南飲董彥達官舍心遠堂爐薰飄月影蜜炬  
剪衣香原本蜜訛密西京雜記閩越王獻高帝蜜燭  
二百枚詩意蓋本此今據改

喜錢申伯病起其二花飛傷宿雨山澗照清晨原本澗  
作澗今從別本改

卷三

訪親於連江因過筠溪茅次漏久蝸涎篆籀落欵多蛛  
網圍原本脫篆字蛛訛結並據宋詩鈔增改

卷五

蘭陵王相思除是向醉裏暫忘却一本作相思前事除  
夢魂裏暫忘却與本調不合詞律曾辨之

石州慢雨急雲飛驚散暮鴉微弄涼月案驚散暮鴉二  
句六十家詞作瞥然驚散暮天涼月與本調不合  
八聲甘州其一樽明月顧影爲誰原本共一樽明月作  
共此一樽月與調不諧今從六十家詞改

其二更潮頭千丈江海兩崖寇案更潮頭六十家詞作

東湖頭誤

卷六

如夢令乞巧夜樓空月妬回廊私語原本夜訛度據六  
十家詞改

怨王孫小研魚牋信原本研訛訝六十家詞作研案清  
異錄姚顛子姪善造五色箋文縷奇細號研光小本  
訝與研俱爲研字之訛今改

卷七

樓上曲樓外夕陽明遠水樓中人倚東風裏案樓外詞

律作樓上誤

千秋歲屋雨雨泰階已應昇平象原本脫已應二字據

六十家詞增

夜遊宮擁紅爐酒窗間惟稷雪案稷雪一本作霰雪誤

考說文霰稷雪也後人誤改作霰

踏莎行劣薄東風天斜飛絮案天斜一本作顛斜誤考

天斜見白居易詩後人誤作顛

卷九

亦樂居士文集序又得山谷槩枯詩律於是少陵句法

大振案枯別本作括考荀子枸木必待槩枯烝矯然

後直淮南子其曲中規槩枯之力字俱從木宜以示

樂大典本爲正

福州運江縣潘渡石橋記侯思慮精密善揣摩用鉤距

畧不昇付胥徒原本距訛鉅據漢書改

跋東坡帖往在東都見王丈樂道出示汝陰所藏歐陽

文忠公雜書盈輔多用片紙問事于宋景文諸公不

以前輩自居而恥于下問此其爲儒宗也案宋史宋

祁齒爵俱先於歐陽修故修上新唐書以祁爲先進

且于唐書功多各著其名以自異元幹此跋以修爲

祁之前輩殊誤

卷十

晉安黃夫人墓誌銘治家斬斬有條理原本斬訛漸據

昌黎曹成王碑改

卷十一

茶勝大目溪邊誰論去來之相小華峯下事新圍繞之  
儀原本目訛因案一統志侯官縣大穆溪一名大目  
溪今據改

五峯集

宋胡宏撰

卷一

紫蓋峯呈伯氏兼東彥達先生刊本脫兼東二字據別

本增

碧泉九日當時被禊千華好刊本被訛夜今改

卷二

上光堯皇帝書至誠而不動者未之有也刊本未之有  
也訛有矣二字今改 又必欲足食足兵刊本足俱  
訛廷今改

與曾吉甫書佛氏實見道體差了途輟刊本闕體差子

三字據下文補

卷三

彪君墓誌銘謹案彪氏出於楚鬬穀於菟實令尹子文  
刊本於訛發實訛實今改

題大學不負爾曾叔祖敦厚本宗之志刊本負曾二字  
互訛據上文改

論史周亞夫先不肯救梁刊本救訛故據漢書改

卷四

詩始周南條覘地伐漸不可耐原本缺覘字耐訛奈並  
據隋書補改

卷五

賁六三注趙遷之殺李牧刊本牧訛爲據史記改

北山集 宋鄭剛中撰

卷一

除權尚書禮部侍郎轉通直郎疏黽勉周章寸長不效  
刊本章訛皇今改

卷四

代人求知書擁腫凡下豈在佳士之目刊本腫訛踵據  
莊子改

上王舍人啓但慮類申申急欲綬若若刊本綬訛緩據

漢書改

卷五

記早蠓角有觸蠻之國刊本觸訛綿據莊子改

卷七

代族兄宗魯作母侯夫人行狀刊本脫宗字據下文曾

卷九

荅潘義榮書此亦一日必葺之意也刊本必訛非據左  
傳改

卷十二

胡德輝出守桐廬取令孤楚移石幾回敲廢印開箱何  
處送新圖之句字分爲韻刊本令孤楚訛作劉禹錫  
據全唐詩改

卷十三

西征道里記金明池刊本金訛今據河南通志改

卷十七

朝旨策恭惟治朝講信修睦刊本複衍朝字今刪

卷二十

荅何憲掄仲書張敞嘗謂朱邑曰伊尹呂望其人不因  
閣下而進矣刊本張敞朱邑四字互訛又伊尹呂望  
訛作臯夔稷契並據漢書改

卷二十一

客惠賓州竹簟卷送風漪光八尺刊本尺訛赤據昌黎

集改

浮山集

宋仲并撰

卷二

祝子權見寄三徑定回俗士駕百年今見故人心原本  
徑訛遠今改

鄭倅德興平江官滿有詩見寄就使淵明頻日醉能爭  
伯玉幾年非原本玉訛魚今改

卷五

蘄州到任謝表案是篇卽周必大原序所稱以古文就  
今體自成一家者 又少習律在固自鄙其雕蟲壯  
志無成或共憐于畫虎原本蟲訛蠹畫訛盡今俱改

代郡守到任謝表整七萃而省方勵百僚而圖治原本萃訛粹案七萃見穆天子傳今據改

卷六

代辭免轉官表千載一遇身獲附于風雲萬歲三呼心益傾於葵藿原本葵訛蔡今改

卷七

賀新知平江府李侍郎啓頃承警欵之餘猥接茵馮之末原本茵訛茵案史記周陽由傳汲黯與由同車未嘗敢均茵伏漢書作茵馮霍光傳作網馮師古註網亦茵馮謂所馮者也今據改

卷八

上宰執啓明堂登杞校之材樛散何用清廟薦珪璋之器珉賤奚宜原本珉賤訛珉賊據禮記改

上湖州王侍郎啓蠶則績而蟹有筐幸初偶爾木欲靜而風不止禍則隨之原本筐訛箱據禮記改

與吳師啓無以慰蜀父老之心何敢言楚令尹之政原本老訛母據漢書改

問訊左史兼中書舍人啓常楊遠避其詞鋒班馬寧誇于史筆原本常作長然與下句班馬不對案舊唐書楊炎傳炎與常袞並掌綸誥開元以來言詔制之美

者時稱常楊焉今據改

卷九

代湖倅謝宰執啓白蘋繞郭華屋填城原本郭訛廊今  
改

橫浦集

宋張九成撰

卷九

召誥論曰東則景夕多風日西則景朝多陰刊本文朝  
一二字互訛據周禮改

卷十二

狀元策背檐而立委大夫以國政刊本大夫訛夫人據  
國語改

湖山集

宋吳芾撰

卷二

江行阻風三日不能休雲容更干變原本容訛谷今改  
和許守巖桂一枝欲斜插誤落秋山中原本斜訛針今  
改

卷八

和朱世同韻其二臘殘惟願呈三白春去從教落萬紅  
原本惟訛推今改

香溪集

宋范浚撰

卷一

姑蘇臺賦種有七術越行其三刊本七訛力三訛一據

史記改

卷五

正服箴齊官十笥視古已縟刊本十訛于據後漢書改

全宋文卷之四十一

雲莊集 宋劉焯撰

卷五

建寧府廣惠倉記鄧山鄞水之念油然而動于中原本

鄧訛郡鄞訛勤並據後漢書郡國志改

卷七

諭州縣官僚士之不廉猶女之不潔原本脫士字今增

卷九

荅史彌遠詔周旋羽翼獨高園綺之功原本園綺訛灌

園據史記改

卷十二

全宋文卷之四十一

三九

金定四庫全書身言  
卷二十一  
淮東湖南北江西三路賊盜勦從人等並從原賞詔有若  
李全陳炯之徒原本全訛金據宋史改

太倉稊米集

宋周紫芝撰

卷一

湖陰行封豕長蛇夢中起原本封訛豐據左傳改

卷二

牛女行天孫曉織雲錦章原本孫訛絲今改

卷三

晚遊戒珠寺平池渺清深原本池訛地今改

卷六

次韻元素登城暮歸二首王粲秋來正倚樓原本粲訛  
渠今改

次韻元素野步矍鑠何勞強據鞍原本矍訛矍據後漢書改

卷八

次韻元司理元夜其二水晶簾底看燈人原本人訛火今改

菖蒲山子歌暮擁紅旌辭帝闈原本闈訛闕今改

題馮尉綠淨堂誰道馮唐今白首原本唐訛堂據漢書改

卷十

小蔡許借徐詩未至人中豈可無曹劉原本曹劉二字

互倒今改

卷十二

次韻張元明書劉氏草堂無腰畧可爲人低原本低訛紙又池堂看浴雙鳧雨原本浴訛洽今並改

題張元明四鬼捕癩龍圖蝮蟻蝮俱論功原本蝮蟻二字互倒據爾雅改

卷十五

歸自須江泊州于湖舟中卽事詩成可自哦原本哦訛娛今改

卷十六

官軍屢捷淮寇漸平其三風聲鶴唳是王師原本鶴唳  
訛佳哭據南史改

卷十七

飲酒其二薄言事耘疇原本耘疇訛耕耨今改

卷十八

次韻道卿登樓有作雨餘簾幕捲雌霓原本霓訛電今  
改

題徐伯遠潛堂安得載筇管原本筇訛著今改

卷十九

次韻黃文若寄燈夕不出之作鐘鳴漏忽盡原本漏訛

滿 又齒髮倏已暮原本倏訛條 又佳辰念京洛

原本洛訛路今並改

卷二十一

古風其二勁翮慕遠漢原本漢訛溪今改

卷二十三

洗馬行圍人但喜馬肥健原本圍訛圍今改

卷二十四

對雨草閣爭先出原本閣訛各今改

今日林中頗得佳筍恨我家無渭川竹原本渭訛謂竹  
訛作據史記改

卷二十五

昇平謠三代禮樂俱追還原本還訛迷今改

卷二十六

冷泉亭放闌爲君題作倒流泉原本流泉二字互倒今改

卷二十七

時宰相生日樂府序此某之折楊皇芩所以得至于鈞庭之下也原本皇芩訛黃花據莊子改

上巳日雨中熟睡其二暗八羅敷陌上桑原本敷訛桴據古樂府改

卷二十八

九日陪李德儀兄弟遊石屋海水自隨江水流原本隨流二字互訛今改

卷二十九

時宰生日詩其二十五三君八俊今何處原本八訛公據後漢書改

卷三十

次韻仲平去惡木暮新軒有如胸臆蟲原本胸訛駒據後漢書注改

卷三十一

次韻子紹九日杜門老大徒自傷原本徒訛德今改

卷三十二

時宰生日詩其五不拍洪崖肩原本拍訛怕肩訛肩據  
南史改

卷三十五

題東林香山像半濕青衫淚如雨原本衫訛山今改

卷三十六

午睡爲流鶯作歌其三江南草長亂啼鶯原本長訛上  
據文選改

十月晦日郡席見鴉梨并刀未下已流涎原本刀訛到

今改

卷三十七

寄小兒菜書二詩因趣其歸數得秋風到藕花原本花  
訛色今改

卷三十八

晚雨忽晴手執雲幢影凌亂原本幢訛童 又空復欲  
獻一長嘆原本嘆訛笑今並改

卷三十九

送吳錫歸秣陵小技正可持自怡原本持自怡訛謾小  
觀今改

送元青歸華亭神色甚凶獷原本獷訛悼今改

卷四十

悼舒永豐鳥去良弓藏原本本弓訛居今改

沈貴池輓詞一區未買江邊宅原本區訛逼據漢書改

卷四十一

哀湘纍賦梟獍肆其旁鳴原本獍訛奮據漢書注改

感士不遇後賦偃鼠飲河期在滿腹原本偃訛鷗據莊

子改

卷四十二

和陶彭澤歸去來詞念紉蘭而自昔原本紉訛切今改

惠泉銘如鼎之沸原本鼎訛斧今改

卷四十六

釋官論其後讀西漢書原本書訛詩 又萬鈞之所歷

原本歷訛屢今並改

卷四十七

擬廷試策正心誠意躬行乎上者原本乎訛以 又可

以治人而事天原本事訛治 又則又當深明乎求

治之術也原本求治二字互倒今並改

卷四十八

策問第四至於楚元之好學東平之爲善原本爲善一

字互倒 又汗馬無英衛之勞原本馬訛焉今並改  
策問第十四當時又有平頭上尾蜂腰鶴膝之語原本  
上訛半據南史改 又大抵欲宮羽相諧低昂適節  
原本請訛慶適訛過今並改

卷五十

爲張子房招四皓書却穀不食行已閱歲原本閱訛闕  
又踵堯舜好賢之轍而天下服原本踵訛踴 又  
期與天下更始原本脫下字今並改增

卷五十一

毛詩解義序嗚呼說詩者可謂難矣原本脫說字 又

首推匡衡蕭望之之徒原本脫下之字今並增

姑溪三昧序公握筆極低樹管微欹側原本低訛抵欹  
訛歌今並改

字序萬氏之二子皆從余游原本子訛說 又說者以  
爲恩如兄弟原本說訛子今並改

錢塘勝遊錄序不問晦明皆可人意原本脫明字今增  
別子劉子序子劉子靜重而寡過原本寡訛寬 又其  
學無所不窺原本脫無字今並改增

卷五十五

謝王侍郎薦舉啓懷仕非爲貧之念原本非訛以今改

謝沈祕校啓未遑持刺以踵門原本刺訛次今改

卷五十七

上皇帝書臣聞漢遣蘇武時節匈奴遭緱王之變原本  
緱訛縱據漢書改 又則是慶父不去魯難猶未已  
也原本脫難字據左傳增

卷五十九

荅通州吳司戶書一時作者又肯下世誰有主盟斯道  
者原本誰訛雖今改

卷六十六

書陸祠部帖後莊氏論蠻氏觸氏爭蝸牛之國原本觸

訛觸據莊子改

海陵集

宋周麟之撰

卷九

賀右相啓王褒齧膝之駕要在得時原本膝訛郝據文  
選改

晦菴集 宋朱子撰

卷十七

奏效荒畫一事件狀竊慮合奏請事漸至後時刊本時  
訛冒據別本改

卷十八

奏義役利害狀將來雖施刑罰轉添詞訴刊本雖訛難  
據別本改

卷十九

條奏經界狀昏繆疲輒力不任事刊本不訛而據別本  
改

卷二十三

乞追還待制職名奏狀不得再有陳請刊本得訛惟今改

卷二十四

與李延平先生書大畧如日前書中之意刊本日訛中據別本改

卷二十五

荅劉子澄其孫或則遂爲唐衡之婿刊本或訛或據三國志改

卷三十八

荅李季章相知亦有不待見其面目而得其心者刊本見訛藏據別本改

卷四十五

荅廖子晦只得硬著脊梁與他厮捱刊本捱訛崖今改卷四十九

荅滕德粹程子所謂不敢自信而信其師者始爲寄足之地刊本爲訛者足訛兒今並改

卷六十四

荅鞏仲至難以一時所見遽定品目也刊本定訛足今改

金定四庫全書卷之十一  
卷六十九

漢同堂異室廟及原廟議使章帝有魏顥之孝刊本顥  
訛顯據左傳改

卷七十二

蘇氏易解上善若水刊本若訛治據道行經改

卷七十三

讀虞隱之尊孟辨刊本虞訛余據宋史改

卷八十二

書歐陽文忠公集古錄跋尾後韓公論之詳矣刊本詳  
訛郡今改

卷八十六

奉安蘇丞相祠告先聖文故相蘇公頌南安人也刊本  
南訛同據宋史改

卷九十

太孺人邵氏墓表盡紹其前人刊本紹訛絕今改

卷九十八

伊川先生年譜尹焞張釋刊本焞訛燉據宋史改

晦菴續集 宋朱子撰

卷二

荅蔡季通正聲於十二月初氣奏之中聲卽於中氣奏  
之刊本下氣字訛聲今改

卷五

荅李孝述繼善問目當有以培養之然後積漸純熟刊  
本脫後字今增

晦菴別集 宋朱子撰

卷五

釋氏論上其所以至此之捷徑蓋皆原於莊周承螭削  
據之論刊本據訛據莊子改

卷七

再論上戶借貸米穀事春間將米穀等先放下戶刊本  
先訛生今改

方舟集

宋李石撰

卷一

王顯之求名其二子曰忠厚曰忠恕陶公責端宣晉人  
警師仇原本宜訛室師訛怖據淵明詩及左傳改

卷六

臨江仙咏佳人坐久不來來又去一方明月中庭粉牆  
東畔小橋橫原本又訛不橋訛樓據宋舜尊詞綜改

卷九

釋老論佛氏以大波羅密爲戒定三千大千世界一十  
八天八萬四千由旬原本由訛有案支僧載外國事

由旬者晉言四十里今據改

崔浩高允論又爲郅標之徒所誤如刻國史於石以彰直筆原本郊訛楊據北魏書崔浩傳改

卷十二

上王宣諭啓原本訛作宣王諭案宋史職官志宣諭官名今據改

文忠集宋歐陽修撰

本傳

留守錢惟演器其材不櫻以吏事修以故得盡力于學刊本故下衍欲字據宋史刪

卷一

黃牛峽祠行人惟向舟中望刊本惟訛未今改

卷六

風吹沙據鞍鞭馬行勿遲刊本據訛攬今改

卷十

紀王汲宰蓋田樹搖秦旬綠刊本何訛田今改

卷十一

晉通判呂太博千頃芙蓉蓋水半注邵伯荷花四望極  
目刊本邵訛郡據一統志改

卷十七

爲君難論比至洛陽九十六萬兵亡其八十六萬刊本  
比訛北今改

卷二十

太子太師文惠陳公神道碑堤以捍患而反病民刊本  
反訛及今改

卷二十一

鎮安軍節度使程公神道碑知并州壽陽縣祕書丞監  
左藏庫刊本左訛佐據宋史改

卷二十四

龍武將軍薛君墓表爲絳大族刊本絳訛緯據上文改  
卷三十四

徂徠石先生墓誌銘惟篤於自信者乃可以力行也刊  
本惟訛信據唐宋文醇改

卷三十七

右監門衛將軍天人錢氏墓誌銘銘昭其休以永不忘  
刊本休訛昧今改

卷三十八

尚書戶部侍郎蔡公行狀具博數州得在河南刊本具  
訛具據宋史改

卷四十五

通鑑司上書改法權貨而商旅不行刊本權訛權今改

卷五十一

天門呀豁青冥開蓄泄烟雲亂刊本開訛開今改

代書寄尹十一兄分手昭陵道刊本手訛首今改

卷五十三

春寒效李長吉體呼雲鑣日恐紅鸞刊本鸞訛鶻今改

卷五十四

日本刀歌黃白間雜鋤與銅刊本間訛閑據宋詩鈔改

卷五十五

奉送叔父都官知永州虎頭蓋綬貴垂紳刊本蓋訛盤  
據漢書改

卷五十七

奉寄襄陽張學士兄人看山翁擁道邊刊本山訛仙據

晉書改

卷五十八

紅鸚鵡賦若夫生以才戾養以性違刊本戾訛天據唐

宋文醇改

州名急就章遂貝瑞舊會刊本貝瑞訛具端 又衡彭  
英瓊邢洛刊本邢訛邢並據宋史地理志改

卷五十九

本論以其不推本未不知先後而已刊本已訛於 又  
立法以制財刊本財訛之並據唐宋文醇改

卷五十九

梁論其爲唐與昇景等耳刊本昇訛昇據五代史改

卷六十五

月石硯屏歌序雖世之工畫者不能爲刊本工畫二字

互倒今改

卷六十六

與石推官書足下雖不以僕爲狂愚刊本狂訛作據唐  
宋文醇改

卷六十七

與尹師魯書四月中還家則母妻皆病卧在牀刊本病  
字訛在母字下今改

卷七十

問進士策題千里之地爲田幾何牧馬之法又如何刊  
本脫牧字今增

卷七十二

花品序洛陽所謂丹州紅刊本紅訛花據下文改

卷七十三

跋學士院御詩真宗時劉子儀當直刊本直訛貞今改

卷七十四

大匠誨人以規矩賦掄爲鞠而斷爲棊刊本掄訛完據  
法言改

卷七十五

南省試策行之當時猶爲近古刊本近古訛進士又古  
下行注疑字今並改刪

卷七十六

易童子問恒利有攸往條四時變化而能久成刊本脫  
能字據經增

卷八十一

楊旼屯田員外郎直史館制勤勞積時重脰生疾刊本  
脰訛脰據左傳改

卷九十三

亳州乞致仕第四表尚能遇樵夫而談道宣上德以論  
愚民與故老而揮金均君恩而榮里巷注此聯一作  
談王道揮賜金似衍二字案談王道用揚雄長楊賦

語揮賜金用疏廣傳語王賜二字非衍此注誤

卷九十五

上隨州錢相公啟民豐四輔之年刊本補訛輔據周禮  
改

卷九十六

與辛郎中啟依聽訟之甘棠餘陰可愛刊本陰訛音今  
改

卷一百二

論西賊議和請以五問詰大臣狀豈可厚以金給助成  
姦計刊本繪訛繪今改

卷一百九

論修河狀下流無歸已爲濱棗德博之患刊本闕棗字  
據宋史補

卷一百十八

乞免差人往岢嵐軍築城奏瀛雄祁霸等州刊本祁訛  
祈據宋史改

卷一百二十八

詩話鄭谷詩名盛於唐末條梅聖俞晚年官亦至都官  
刊本闕上官字據說郛本增

卷一百三十一

欽定四庫全書  
卷之三  
生查子詞案詞品載此詞爲朱淑真作  
清商怨詞案草堂詩餘載此詞爲晏殊作

卷一百三十二

蝶戀花詞案草堂詩餘載此詞爲俞克成作 又半醉

騰騰春睡重案騰騰草堂詩餘作海棠

其七案草堂詩餘載此詞爲李冠作

其八案草堂詩餘載此詞爲晏殊作 又羌管不須吹

別怨無腸更爲新聲斷案草堂詩餘作消息不知歸

早晚斜陽只送平波遠與此異

卷一百三十七

後周大象碑注大象三年刊本上象字訛像下象字訛  
家並據周書改

卷一百三十八

隋梁洋德政碑在今蔡州新息縣刊本脫縣字今增

又後周於新息縣置州刊本縣訛州據隋書改

附錄

卷四

遊嵩山寄梅道人書又尋韓文公所謂石室者因詣盡  
東峰頂案詣盡宋文鑑作盡詣 又昔鼯鼠窮伎能  
上而不能下案昔字下宋文鑑有聞字

東萊集

宋呂祖謙撰

卷二

爲梁參政作乞解罷政事表若復自安可謂無恥刊本  
若訛巷今改

卷六

李仲南集古錄序自歐陽文忠公始合而輯之和者踵  
武刊本踵訛雖今改

東萊別集

宋呂祖謙撰

卷三

朝祖日側主人入祖乃載踊無算刊本脫踊無二字據  
儀禮增

卷六

官箴何武條後爲博士刊本後訛復 又武聞之終不  
揚其惡刊本聞訛圍並據漢書改

魏徵條徵謂副使李桐客曰刊本脫桐字據唐書增

欽定四庫全書考證

武英殿聚珍版

卷八十二 集部

止齋集

香山集

宮教集

定庵類藁

尊白堂集

東塘集

涉齋集

緣督集

舒文靖集

雲莊集

定齋集

九華集

野處類稿

應齋雜著

臣文 寧恭校

止齋集 宋陳傅良撰

卷十四

張某知宜州敕置候固圍重於他邦刊本圍訛圍今改

卷二十八

廟議魯語臧文仲曰考下文乃展禽譏臧文仲語此作

文仲之言誤

卷五十一

薛公行狀凡日收錢撫實係歷分隸否則劾聞刊本劾

訛效今改

香山集

宋喻良能撰

卷一

喜賦又若號為上公震為長子沈痾既嬰溘然以死原

本號訛啼據史記改

同從兄季弟遊香山追和東坡端午游諸寺韻前專惟

伯氏後乘載阿連原本連訛遷據蘇詩原韻改

卷二

石鐘山南北兩石鐘上下一水側原本上訛工考一統

志石鐘山在湖口縣有二上鐘山在縣治南下鐘山

在縣治北其石視上鐘尤奇今據改

魏陶雖非淵明儔頗亦慕幽迹案南宋名賢小集載是詩幽迹作幽逸

何茂宏茂恭攜酒見過復侑以詩次韻戲彩膝纒容亦好草可藉案亦好集中屢見乃良能所築園名

秋曉野步寒烟引輕雲澹澹榮木杪案厲鶚宋詩紀事輕雲作輕素

卷三

題楞伽寺李公山房藏書閣不見善和數千卷空聞鄴侯三萬軸原本和作私據柳宗元書改

八月十五日夜翫月前年磬湖新雨歇獨繞湖邊待明

一月案磬湖集中屢見乃良能家園之名磬原本訛聲今改

卷五

書大洞僧壁幽花充佛供好鳥伴僧禪原本僧禪作談禪據南宋名賢小集改

卷六

次韻外舅黃虞卿爲愛山園好其八疎簾捲雌霓曲檻倚雄風原本霓訛寬據南史改

臘八日雪參議林郎中有詩因次韻淖糜分臘序圓炭度朝寒原本淖訛掉案爾雅釋言鬻糜也注曰淖糜

也今據改

卷七

次韻李大著春日雜詩其六潦倒同中散歡欣似啟期  
原本期訛明據莊子改

十二月二日與陸明府陳廣文飲閔中堂修年契也案  
集中有詠閔中堂詩此處閔訛閱今改

卷八

一室只擬綸巾持羽扇未須赤脚踏層冰原本層訛塵  
據杜甫詩改

柳季修知丞以詩見貽次韻爲謝詩清子厚龍城句字

瘦誠懸殿壁書原本誠懸訛城懸據唐書改

次韻伯壽兄見寄江國疎梅吐玉英故園想見木欣榮  
原本玉訛正據南宋名賢小集改

卷九

再用前韻呈參議李郎中顧我摧頽如病顙羨公騰踏  
勝飛黃原本飛訛風據韓昌黎詩改

卷十一

平湖密曲六從霜後熟玉芙蓉向露中芳案授時通考  
枳椇一名密屈律經霜乃熟以其枝多而曲故名此  
云密曲六音近而義亦相通當卽是枳椇也

遊下巖過松峭祠傍偃松細雨復青池上草西風頓白  
鬢邊蓬聊同吾黨二三子來訪山中十八公原本頓  
訛煩聊訛仰並據南宋名賢小集改

卷十三

次韻楊廷秀郎中遊西湖其九裀暑渾如深甑炊原本  
裀訛伴案毛詩蒙彼縐絲是繼裀也傳云絲之靡者  
一爲縐當暑裀延之服鄒浩詩清標藐冰壺一見滌裀  
暑今據改

次槐卿舅詠梅其二但得橫枝臨却片不須斗酒博西  
涼原本却訛卽據何遜詩改

卷十四

六月十六日偕夏卿遊香山夏木陰陰翠竹疎相攜蕭  
寺饌伊蒲原本伊蒲訛尹甫據後漢書改

宮教集 宋崔敦禮撰

卷五

進重刪定呂祖謙所編文鑑劄子案李心傳建炎以來  
朝野雜記奉勅刪定文鑑者實崔敦禮詩此文乃在敦  
禮集中或係代作亦未可定姑仍原本

定菴類稿 宋衛博撰

卷一

次韻謝王使君見贈其二功成刻楮謾三年原本年誤  
干今改

乞進帝學劉子秦之穆公魏之文侯亦有樂正裘牧仲  
與夫段干木出子方之流案樂正裘收仲孟獻子之  
友此引作秦穆公事蓋誤用

代人進故事劉子葉公子高所好畫龍爾而真龍見焉  
原本脫高字據莊子補

卷二

辭免御營使表畧反汗之小嫌收出綸之成命原本命  
說名今改

謝除徽文閣直學士表炯然欲報之心老矣旣愆之力  
原本旣訛能今改

真定府賜燕珠盤玉敦篤信誓於齊盟昌歆形鹽享多  
儀於備物原本敦訛果據周禮改

卷三

賀葉參政啓三后同底於道上方有意於太平四方惟  
乃之休公亦有辭于永世原本脫休字據書經增

與教授啓談經廣坐重五十席而未休成書滿家奏三  
千牘而盡善原本奏訛莫今改

賀將樞密啟阪泉七十二戰黃帝不能以去兵相州六  
十萬師郭令猶爲之不守原本戰訛載黃訛皇今改

尊白堂集 宋虞儔撰

卷一

暇日邀王天任諸公遊南坡其二況當荷傾蓋莫待栗  
過拳原本過訛過案杜工部有穰多粟過拳之句今  
據改

無眠人情風上草身世眼中沙原本眼訛眠案白居易  
詩何意掌上玉花爲眼中沙今據改

將至天目登高嶺雨過黃梅盡風來翠剡齊原本剡訛  
爰案東坡有春秧欲老翠剡齊之句今據改

偶成其一有底金千鎊無何酒一杯原本鎊訛辦據周

禮改

再和陳德章春日送客其一含含歌麥秀廡下老梁鴻  
原本含含說哺哺案梁鴻傳惟季春兮華阜麥含含  
今方秀今據後漢書改

卷六

論用人聽言劄子罷甘泉宮衛齊三服官原本三服訛  
三品據漢書改

東塘集

宋袁說友撰

卷一

江舟緯夫有唱湖州歌者殊動家山之想賦吳歌行案  
說友家傳稱爲建安人而此題聽唱湖州歌有家山  
之感詩中又有我家苕霅邊之句蓋宋友渡以後士  
大夫流寓不常其里貫則仍署祖籍如韓氏居上饒  
而自稱潁川呂氏居婺州而自稱東萊是其例也  
和林子長韻乞我黃淤秋同此天地和原本淤訛於據  
陳師道詩乞我黃淤十里秋句改

卷二

題王順伯祕書所藏蘭亭修禊帖如丁如爪辨形似不  
豐不露分肥瘠原本爪訛瓜案定武蘭亭本說者謂  
殊字如蟹爪列字如丁形今據改

卷三

新河一川漲碧分灘遠萬柳排青夾岸多原本灘訛誰  
今改

謝誠齋惠酒平生楊敬惟稱項歲晚侯芭只守雄原本  
敬訛做案楊敬之詩到處逢人說項斯今據改

卷五

和薛子晉來慶癸未登第韻其二庇事牛堪有歸序韓

公平日最相親原本牛訛朱案韓昌黎集有牛堪序  
今據改

贈應童子黃石固應傳孺子元文真可與童烏原本烏  
訛焉據揚子法言改

卷六

和子長見招韻其四飛香雨過雙溪閣舞翠荷開十丈  
花原本舞訛無今改

卷八

論士大夫氣節百里奚愚於虞而智於秦裴矩佞於隋  
而忠於唐原本矩訛短據唐書改

卷十二

舉隱逸狀恭惟藝祖皇帝之召王昭素真宗皇帝之召  
种放二人者皆是逸民原本昭說召據宋史改

卷十五

代王江陰謝改知饒州表雖舍魚而取熊掌已則幸之  
然頑石而冠鼈頭人誰甘者原本頑訛刊今改

卷十七

賀兵部王尚書啓彼衛綰石建之輩何能起中葉之衰  
而鄭綢德輿之徒烏足掃淮西之僭原本綢訛綢輿  
訛與並據唐書改

除國正謝右相啓昔焉起部之趨承已勤薦禰今也成  
均之聯屬更荷鑄顏原本禰訛稱今改

卷二十

家傳生於紹興庚申歲原本庚訛壬案說友卒於嘉泰  
甲子年六十五歲當是生於紹興庚申年也今據改

涉齋集 宋許綸撰

卷二

再次大用韻賦梅花昨夜來朔風吹香過南町原本香  
訛音今改

卷三

邵廷評供職未闕月乞為淮南檢法以歸賦長句見志  
次韻為餞拄笏聊看罨畫山岸巾且飲淮南酒原本  
岸訛厓今改

次韻何起巖喜雨瑰章傑句助歡呼石燕商羊俱鼓舞  
原本句訛自今改

卷四

駟熊歎忽然逸出渠亦敢嗇夫當之作人立原本立訛  
力今改

卷五

次韻轉庵喜雨其一通夕聞鳴雷凌晨起炷熏原本雷  
訛雷今改

卷七

元日登天長縣城此城曾是千秋縣有水呼爲萬歲湖  
原本湖訛明今改

王宣甫有詩爲寒食之約次韻春風已入青絲鞵好句

終歸古錦囊原本鞵訛鞵今改

卷八

春晚登鈴岡溪漲未消知雨近林疎頓密見春深原本  
消訛澤今改

卷十

酬劉孝若其二新竹篩金鳴粉籜初荷擎蓋弄紋漪原  
本紋訛絞今改

卷十二

李若兄菊詩同社久已嗟賞次韻奉酬一種最開陶徑  
晚兩年曾向蔣山求原本蔣山求訛將山來今改

緣督集

宋曾丰撰

卷七

再遊登滕王閣斷碑無日不濃墨古砌新秋猶雜苔案  
宋詩紀事新秋作雖秋雜苔作淺苔似較此虛實對  
勝今仍大典原本

陳子尚滄洲趣猗蘭青青結幽思杜若紛紛生遠愁原  
本猗蘭訛倚闌案文選藉臯蘭之猗靡下句用杜若  
則此句當用猗蘭爲偶今改

卷十

紹興淳熙兩朝內禪頌案此篇黿溪舊志載曾丰倅瓊

日所作駢置以獻中朝稱其考證千載若合符節有  
可薦清廟之語

賀江西提刑馬少卿上任啓浮榮莫動處九棘不殊于  
二松大事敢爭視三台無異于一介案二松刊本作  
三槐玩句義自應用三松爲是

卷十一

代廣東師通廣西漕到任啓行上木牛之效南海澄清  
竹歸金馬之居北辰密邇原本木訛土今改

舒文靖集 宋舒璘撰

卷上

答喬世用書惟經總制錢費力原本經總二字互倒據  
文獻通考改

雲莊集 宋曾協撰

卷二

李懋之壺中齋詩要識廣輪藏粟粒且將談笑舉針鋒  
原本輪訛輸今改

趙有翼招同社出遊次韻四山濃淡要題品百卉後先  
宜按行原本按訛接今改

和史侍郎遊澹巖韻六首原本巖字訛作山巖二字案  
廣輿記湖南永州府城內有澹巖樓殿隱石隙中風  
雨不能及四壁削成萬仞今據改

和翁士秀瑞香水仙其一蝶遶蜂圍碧玉叢紫羅囊小

透春風原本透說徑今改

酌江月好是危亭片峯迎面獨占清溪曲原本片說卞  
今改

卷三

賀劉太尉啟威加鄰國聲名可怖於四夷功在本朝和  
好蓋成於一戰原本聲說惟今改

賀黃同知啓刃歷干牛而不頓金由百鍊而愈剛原本  
牛說牟今改

賀新湖州程樞密啓撫熊軾以班條方聳一圻之望彈  
貂冠而就道實歸四海之心原本彈說彈今改

卷四

辛巳上時相書巖茂一言而得之於堂下阮瞻三語而  
置之於幕府原本巖說駿阮說元據左傳及晉書改

定齋集 宋蔡戡撰

卷一

進貞觀諫錄劄子案集中邀進貞觀諫錄劄子有淳熙

改元云云則是劄乃孝宗淳熙元年所上

乞備邊劄子案集中繳進貞觀諫錄劄子云淳熙改元

臣蒙恩假守漢東則此劄乃淳熙元年所上故篇中

有思中興之治於茲一紀及臣所領州郡密邇敵境

云云也

薦鄂州通判劉清之狀案宋史劉清之傳通判鄂州改

權發遣常州考薛應旂續通鑑除清之通判鄂州在

淳熙三年八月以清之知常州在五年冬則此狀當是五年以前所上

乞代納上供銀奏狀案此狀據歷代名臣奏議增入當是戡提舉廣南東路常平茶鹽公事時所上蓋淳熙六年也又案凌迪知萬姓統譜載戡持節五羊所部十四郡歲以敷銀爲病戡代輸民甚便之當卽此事篇中一十四州府云云可見

割屬宜章臨武兩縣奏狀案宋史孝宗本紀平李接在淳熙六年十月此狀當上於十月以前也

御盜十事劄子案篇中稱辛棄疾奏官吏貪求民去爲盜云云考宋史辛棄疾傳由湖北轉運副使改湖南尋知潭州兼湖南安撫盜連起湖湘棄疾悉討平之以孝宗本紀考之平李接在淳熙六年十月此狀當是十月以前上也

第九條使大小保甲與被盜之家均備椿管盜不可得錢已乾沒原本保甲訛得申據歷代名臣奏議改第十條凡所以設官置吏爲軍民而已豈爲是虛名哉原本脫名字據歷代名臣奏議增

卷二

臧否守臣奏狀案宋史孝宗本紀淳熙七年七月癸丑

欽定四庫全書  
卷八十二  
三  
詔二廣帥臣監司察所部守臣臧否以聞此狀當是  
其時所上

論臧否守令劄子案此劄係淳熙八年所上考宋史孝  
宗本紀乾道二年六月甲戌詔諸路監司帥臣各察  
守令臧否以聞故篇中云臧否之令行之十六年也  
臧否守臣奏狀案此狀亦係淳熙八年考所薛上應旂  
續通鑑孝宗淳熙八年閏三月辛巳命諸路帥臣監  
司分州郡臧否爲三等歲終來上與篇中之語合  
薦衡州通判宗嗣良狀案此狀亦係淳熙八年所上  
論備盜劄子案此劄據歷代名臣奏議增入當是淳熙

八年提點荆湖南路刑獄時所上 又臣竊見廣西  
提刑徐詡奏請乞撥本路摧鋒軍效用軍等兵五百  
人案宋史孝宗本紀淳熙七年乙未詔撥廣西兵校  
五百人隸提刑司當是從徐詡之請也  
乞選擇監司奏狀案此狀據歷代名臣奏議增入當是  
淳熙九年所上

卷三

乞禁止沿邊作過人劄子案此劄當是淳熙十年所上  
考宋史隆興二年和議成故篇中有自再議和以來  
垂二十年之語

欽定四庫全書  
卷八十二  
三  
乞移運襄陽府椿管米劄子案此劄當是淳熙十年前  
後所上

奏場務虧額狀案此是淳熙十年所上

論屯田劄子案宋史孝宗本紀淳熙十年五月辛卯詔  
疏襄陽水渠以渠旁地爲屯田尋詔民間侵耕者就  
給之此劄當卽其時所上

薦諸軍統制官狀案宋史孝宗本紀淳熙十一年六月  
戊午朔詔諸道總領舉偏裨可任將帥者此狀當是  
其時所上

卷四

乞宮觀劄子案篇中自戊戌之秋首尾七年云云此劄  
當是淳熙十一年所上

乞修江陵府城劄子案宋史孝宗本紀淳熙元年六月  
改江陵府爲荆南府此文云江陵府者已復舊名地  
理志所謂未幾復爲江陵府制置使是也又案本紀  
云十三年八月新築江陵城成此劄當是十三年以  
前所上 又欲望聖慈斷自宸衷給降行在會子三  
十萬道原本會子訛會子據歷代名臣奏議改

論唐鄧間道劄子案此劄據歷代名臣奏議增入自此  
以下共八篇俱係孝宗時所上其年月未詳故彙錄

於後

論用人劄子元祐初載司馬光呂公著范純仁呂大防  
劉摯蘇轍輩相繼用事原本劉摯說劉摯據宋史改

卷五

論州縣科擾之弊劄子案篇中裁損經總制錢四事見  
宋史本紀故史臣贊云薄賦緩刑見於紹熙初政是  
劄當上於其時

繳進貞觀諫錄劄子案篇中云壽皇聖帝孝宗未有廟  
號此劄蓋上於光宗紹熙初年也

乞以壽皇聖帝爲法劄子案此劄亦係紹熙初年所上  
論苟且之弊劄子案歷代名臣奏議載光宗以紹熙二  
年春有雷雪詔陳時政得失故載上此劄及下論時  
事一篇考宋史光宗本紀二年二月乙酉所下之詔  
與此相符

論選用宗室劄子案歷代名臣奏議此劄光宗時所上  
乞上過宮劄子案宋史光宗本紀紹熙三年十一月辛  
卯帝朝重華宮十二月癸卯帝率羣臣上壽聖皇帝  
玉牒聖政會要於重華宮此劄乃四年所上

論時事劄子案宋史光宗本紀紹熙四年十一月戊寅  
帝朝重華宮癸未帝率羣臣奉上皇太后冊寶於慈

欽定四庫全書  
卷八十二  
福宮此劄卽是年冬所上

卷六

論謹始八事疏案宋史寧宗本紀紹熙五年七月甲子  
帝卽皇帝位戊辰詔求直言乙亥賜前宰執侍從詔  
訪以得失戊子詔百官輪對此疏卽是年所上  
乞法太上皇帝馭下納諫二事劄子案此劄光宗未有  
廟號當上於寧宗初年

論邪正劄子案此劄亦係寧宗初年所上

薦臨安通判王補之狀案此狀亦係寧宗初年所上

論治道疏案此疏據歷代名臣奏議增入當是寧宗受

禪時建泰安宮後所上

論聖孝劄子案宋史寧宗本紀紹熙五年十月庚寅更

泰安宮爲壽康宮此劄當是十月以前所上

乞賑濟劄子案凌迪知萬姓統譜云馘於寧宗朝爲京  
兆尹歲澇糴艱馘亟請發民賴以濟考宋史寧宗本  
紀慶元元年正月辛亥以久雨賑給臨安貧民當是  
從馘之請也

辭免除寶謨閣直學士劄子案宋史寧宗本紀嘉泰二  
年八月癸未建寶謨閣以藏光宗御集馘之除官或  
在是年

欽定四庫全書  
卷八十二  
薦胡槻万俟似狀案此狀以下共八篇俱是寧宗時所

上

卷七

太上皇后壽表案宋史孝宗本紀淳熙十年十二月丙子朝德壽宮行太上皇后慶壽禮又案后妃列傳淳熙十年以后年七十親屬推恩有差二表當是其時所上

謝頌降御筆廷詔碑表敢不仰體訓詞推大成繭旅生之治精加督察庶臻附枝兩岐之祥原本成訛誠案成繭旅生見後漢書光武本紀今據改

湖南提刑到任謝表案凌迪知萬姓統譜載爲湖南憲李昂霄有異謀單車馳諭卽在此時又以載所作大父行狀考之其爲提刑乃淳熙八年也

京西運判到任謝表皇靈遠愴聖德兼容案愴字說文安也類篇恬也考漢書李廣傳威靈愴乎鄰國註作恐字解載文蓋本此

淮西總領到任謝表案勘奏場務虧額狀云臣於七月二十日到任蓋在淳熙十年此表當卽其時所上湖北總領到任謝表案此表當是淳熙十年後所上廣西經略到任表案載詩題有淳熙戊戌將命廣東後

二十三年分闈桂林云云此表當是嘉泰元年所上  
除寶謨閣待制謝表案此表當在寧宗嘉泰間所上  
賀正表案此表亦係寧宗嘉泰間所上

瑞慶節賀表案宋史寧宗本紀帝於乾道四年十月丙  
午生紹熙五年七月甲子卽皇帝位八月丁酉以生  
日爲天祐節九月甲戌改爲瑞慶節此表蓋上於開  
禧後戡奉祠之時

代辭免簽書樞密院表案此表以下共三篇俱係代王  
之奇作今彙錄於後又宋史宰輔表乾道八年二月  
王之奇白吏部侍郎權尚書賜同進士出身除端明  
殿大學士簽書樞密院事孝宗本紀並同

代淮東安撫使謝表案宋史宰輔表乾道九年正月王  
之奇罷簽書以資政殿學士知揚州淮南安撫使孝  
宗本紀並同此云淮東者蓋正月尚合兩路爲一道  
有戡作之奇行狀可證考地里志淮南舊爲一路熙  
寧五年分爲東西兩路元祐元年西路東路並爲淮  
南路孝宗本紀乾道九年三月復分淮南路安撫使  
爲東西路之奇到任應在三月以後故題作淮南也  
賀太上皇后牋案此牋係淳熙十年所上

太后慶壽賀皇后牋案此牋亦係十年所上又考宋史

后妃列傳成肅謝皇后淳熙三年由貴妃立爲皇后  
賀太皇太后賤案宋史后妃列傳成肅謝皇后光宗受  
禪上尊號壽成皇后尊尊爲皇太后寧宗慶元初加  
號惠慈嘉泰二年加慈祐太皇太后又案寧宗本紀  
開禧元年五月乙亥詔以衛國公暉爲皇子進封榮  
王二賤當是其時所上

賀皇后賤案寧宗皇后二一爲恭淑韓皇后一爲恭聖  
仁烈楊皇后此賤上於開禧元年則楊皇后也

卷八

上汪制置書案汪制置名應辰此書當是乾道三年所

作

上虞樞密書案虞樞密名允文此書當是乾道五年所  
作

乞更運京西椿管米事案此書當是淳熙十年所作

辭免乞宮觀書案戲乞宮觀劄子有戊戌之秋首尾七  
年云云此書當是淳熙十一年所作

辭免應辦孝宗皇帝梓宮渡江轉官書案此書當是光  
宗淳熙五年冬所作

上論邊事二書案此書當是慶元四年後所上

上宰執書案篇中所云與戲生平出處不符當是代人

之作今附錄於後

卷九

迎汪制置啓案宋史汪應辰本傳孝宗時以敷文閣直  
學士爲四川制置使知成都府入覲除吏部尚書考  
孝宗本紀及宰輔表當在乾道三年冬

賀梁樞密啓案宋史宰輔表乾道五年二月甲寅梁克  
家自給事中除端明殿學士簽書樞密院事此啓當  
作於其時

賀王參政啓運籌而合上意有嘉底績之言共政而圖  
舊人果拜爲真之命案宋史宰輔表乾道五年二月

甲寅王爰自端明殿學士簽書樞密院事兼權參知  
政事兼同知國用事知樞密院事孝宗本紀無權字  
此云果拜爲真之命則爰蓋由權參知政事而進參  
知政事紀與表各漏書其一此可補正史之闕

賀王參政啓案宋史孝宗本紀乾道五年二月乙亥以  
王爰爲四川宣撫使仍參知政事此啓蓋三月所作  
賀虞樞密啓案宋史宰輔表乾道五年六月己酉虞允  
文自資政殿大學士知樞密院事四川宣撫使召除  
樞密院使孝宗本紀及允文傳皆同二啓當作於六  
月七月間

賀史發運啟案宋史孝宗本紀乾道六年三月復置江浙荆湖兩廣福建等路都人發運使以新知成都府史正志爲之此啟當卽是時所作

改官後謝福州陳丞相啟案宋史宰輔表乾道六年五月陳浚卿罷左僕射除觀文殿學士知福州孝宗本紀及浚卿傳並同此啟當是其時所作

賀龔運使啟案宋史龔茂良傳自廣東提刑知信州召對崇政殿除直顯謨閣江西運判兼知隆興府在陳浚卿出知福州之後此啟當亦作於乾道六年

賀王樞密啟案宋史宰輔表乾道八年二月癸丑王之奇自吏部侍郎權尚書賜同進士出身除端明殿學士簽書樞密院事孝宗本紀同此啟卽是年所作

除正字謝宰執啟案此啟當是孝宗乾道淳熙間所作賀龔參政啟案宋史宰輔表淳熙元年十一月戊戌龔茂良自禮部侍郎兼權禮部尚書除參知政事孝宗本紀及茂良傳皆同此啟當卽是年所作

賀建康留守陳少保啟案宋史孝宗本紀淳熙七年六月丙戌以特進觀文殿大學士判建康府陳浚卿爲少保浚卿本傳同此啟當是其時所作

賀周知院啟案宋史宰輔表淳熙九年六月丁巳周必

大自參知政事除知樞密院事必大本傳同此啟當是其時所作

卷十

賀李參政啟案宋史宰輔表淳熙二年閏九月丁巳李彥穎自端明殿大學士簽書樞密院事除參知政事孝宗本紀及彥穎傳並同本紀又云淳熙九年七月壬辰以資政殿學士李彥穎參知政事彥穎傳亦云提舉洞霄宮復參知政事則此啟當作於九年而宰輔表是年宰執之拜罷脫謬甚多得此文可與紀傳互證 又觀天人甚可畏也深思董生之言爲國家

不足懼焉再味康澄之說原本康澄訛作康成今據五代史改

除湖廣總領謝宰執啟案此啟當是淳熙十年後所作知隆興府到任謝宰執啟案此啟當是寧宗慶元初年所作

知靜江府到任謝宰執啟案按之知靜江府蓋在慶元嘉泰間考宋史寧宗本紀及宰輔表慶元六年八月丁酉以後嘉泰三年正月己卯以前謝深甫一人獨相篇中有泚水東山云云則此啟當是上深甫之作代賀汪尚書啟案汪尚書卽應辰此啟蓋乾道三年所

作

代賀黃尚書啟案朱子端明殿學士黃中墓誌云乾道元年除集英殿修撰致仕六年召爲兵部尚書兼侍讀宋史黃中本傳同此啟當是六年所作

卷十一

廷對策案此策當是乾道二年所作

館職策案此策乃乾道七年所作

卷十二

高帝論信方懷推食解衣之恩力拒武涉蒯通之計原本蒯訛荆今據漢書改 又何之守關中用召平鮑

生之計原本召訛郡今據史記蕭何世家改

申屠嘉論初以材官蹶張從高帝征伐原本材字下多

一居字今據漢書刪

定齋記案此記當是紹熙二年辛亥後所作

卷十三

送陳侍郎序案宋史陳浚卿傳乾道元年自提舉太平興國宮入除吏部侍郎同修國史尋知建康府此序當是其時所作

送岳大用序案跋跋東坡墨跡所題歲月則此序當作於乾道年間

蘆川居士詞序案陳振孫書錄解題云蘆川詞一卷三山張元幹撰坐送胡邦衡詞得罪秦相者也又案宋史胡銓上書請斬秦檜謫廣州在紹興八年十一月再謫新州在十二年七月史不載張元幹以詞送別事而王明清揮塵錄詳言之今考元幹蘆川歸來集中有送胡邦衡待制赴新州賀新郎一闕卽此序所云請以冠諸篇首者也

跋張大資政奏議案陳振孫書錄解題張守著有毘陵奏議二十五卷又考宋史張守傳紹興八年以資政殿大學士知婺州

隆興府勸農文案馱知隆興府在寧宗慶元初年此文卽是其時所作

祭亡弟允夫文案此篇當是淳熙十一年所作

卷十四

故端明殿學士王公行狀案此狀原本無姓名籍貫三代今考孝宗本紀王之奇目吏部侍郎權尚書除端明殿學士王公蓋卽之奇當是乾道九年所作也又九年正月遂解機政案宋史宰輔表乾道九年正月王之奇罷簽書以資政殿學士知揚州淮南安撫使孝宗本紀同原本作二月誤今改正

大父行狀案此篇係淳熙八年所作 又公諱伸字申道原本伸訛伯申道訛申通今據凌邁知萬姓統譜改又考宋史蔡洸傳云父伸左中大夫與此狀官至左中大夫次子曰洸相合 又夫人賈氏生直龍圖閣伯徽猷閣待制伸原本伸訛伸考萬姓統譜云伊大觀三年進士官至徽猷閣待制與下文待制以上舍中大觀三年丙科之語相符今改 又龍圖中崇寧二年進士第一案崇寧二年宋史作政和初與此互異 又喜爲詩詞通音律案陳振孫書錄解題云友古詞一卷左中大夫莆田傅伸撰伸自號友古居士君謨之孫 又馭知婺州浦江縣原本浦作普當以音近而訛今據宋史地理志改

### 卷十五

故朝議大夫直寶文閣學士胡公墓銘案此篇當是淳熙五年所作 又曾大父贈太師案宋史胡宿傳作太子太蔡與此互異 又大父諱宗堯都官員外郎案胡宿本傳子宗炎以直龍圖閣知潁昌府歷密州而卒從子宗愈宗回附見傳中無所謂都官員外郎名宗堯者考胡宿文恭集中李太夫人行狀云孫宗堯宗陽宗堯凡二十四人宗堯擢進士第任饒州團

練判官彼此互異

朝奉郎提點江南東路刑獄趙公墓誌銘案此篇當是淳熙十三年所作

中大夫致仕朱公墓誌銘案此篇係慶元四年所作

卷十六

新居用韓昌黎詩辛勤三十年以有此屋廬爲韻作十詩案此詩當是光宗時所作

朱文朝宗索壺村落成之集次韻簡之案馘所著朱朝宗墓誌則此詩當作於慶元四年以前

病中紀事案此詩當是慶元六年庚申所作

效白樂天體自詠二十韻案此詩當是開禧二年所作送張安國舍人案宋史張孝祥傳高宗時爲起居舍人權中書舍人孝宗時復除起居舍人此詩當作於孝祥出知靜江府廣南西路經略安撫時也

和楊廷秀遊蒲澗之什原本澗訛間據誠齋集原倡題改

卷十七

予頃歲持節湖湘今二十四年白首重來親舊十無二三感而有作案此詩當是光宗時所作

乙卯春病中書案此詩當是慶元元年所作

代趙儀可輓劉叔丙案宋末趙儀可名文著有青山集  
與歐時代不相及疑別一人同姓名者或他人詩誤  
入載集今無別本可核姑仍其舊

感事案此詩當是開禧二年所作

卷十八

易地湖外喜而有作案此詩當是淳熙八年歐爲湖南  
提刑時所作

丁未立春日讀白樂天浩歌行不覺身年四十七之句  
時方悼亡有感而作案此詩當是淳熙十四年所作

卷二十

六十案此詩當是慶元六年所作

九華集

宋員興宗撰

卷一

和王丞絕勝亭三嵎此其一松柏爭敷榮案一統志三  
嵎山在仁壽縣原本嵎訛隅今據改

宜賓別楊同年次論月蝕詩獨採全愈心原本全訛全  
今改

卷二

紫雲洞道在翳嘶峯外之高峯案一統志所引益州志  
云東西南隅相對共號三嵎二山之名曰飛泉翳嘶  
跨鼇原本翳訛醫今據改

卷四

遣與其入陝府東郊魏仲先案宋史魏野傳野字仲先居陝州之東郊原本先訛賢今據改

贈金山老寺內何人口生醜阿師政爾息深深原本醜訛濮案廣韻內有醜字注云醋生白醜也興宗用此字蓋卽口角流沫之意今據改

卷五

嚴爵賞劄子戶爲胠篋本以防盜也大盜至則井胠篋而取之案莊子將爲胠篋探囊發匱之盜而爲守備則必攝緘縻固扃鏑胠篋蓋指盜而言此處戶爲胠

篋本以防盜云云是誤以胠篋爲守備之具也此興宗不檢之失 又蓋壞陛下德意者有司也原本壞訛懷據歷代名臣奏議改

廣招募劄子凡捕人補軍如捕逃亡原本脫人補二字據歷代名臣奏議增

卷六

風俗議以教唆爲養生以鼓鬪爲樂事良民怯畏蓋亦坐是原本坐訛止據歷代名臣奏議改

議盧額疏何謂權宜之法四川折估是也原本估訛沽又前日頒下三百萬之數原本脫百字並據歷代

名臣奏議增改

議冗員疏太平興國初朝官班簿纔二百人原本初訛爾據歷代名臣奏議改

卷七

議功賞疏如雷有終在蜀尚給功帖七千原本雷訛此據歷代名臣奏議改 又應合酬敘之人令主將對衆敘定原本主訛諸敘訛聚並據歷代名臣奏議改 議征稅疏本無稅物監欄一面虛喝謂之花喝原本花訛化據歷代名臣奏議改

卷九

陳子昂韓退之策所謂柳氏則子昂似之文傳太原盧藏用藏用傳蘇源明源明則退之之所師友也原本源訛淵今改

卷十二

答洪丞相問隸碑書劔川梓潼道上有雙闕或云孝廉闕或云使君闕原本梓訛倅據宋史地理志改 又司馬天官書咸池曰天五潢原本脫潢字據史記增

卷十三

上執政書昔契丹使蕭英來聘仁宗以富弼接伴原本伴訛律據宋史改

卷十四

謝蔣參政啟家三徑以載清論萬幾而中病原本徑訛  
經案此當是用蔣詡蓬蒿三徑事也今據改

賀漕使啟陝以西二公主之斗以南一人而已原本脫  
一字今增

卷十五

上宰相其二皆願掃門而無因望舄而不得原本掃訛  
歸據史記改

卷十六

上虞丞相其三如張愈蘇洵一時薦錄原本愈訛俞案

張愈字少愚益州郫人見宋史隱逸傳今據改

與喻少穆知縣每以表伯郎中捫膝先生爲法案王應  
麟困學紀聞後魏葛榮陷冀州賈景興稱疾不拜每  
捫膝曰吾不負汝僞楚之僭喻汝礪捫其膝曰此豈  
易屈者哉以捫膝自號蓋本於此 又案喻汝礪字  
迪儒蜀之仁壽人官祠部員外郎歸隱邛山之陽自  
號捫膝先生有捫膝稿表伯郎中蓋卽汝礪也原本  
脫先生二字今增

與喻漢輔此間客愁縛人臣朔之飢又不免也原本朔  
訛朝據漢書改

卷十八

三史亞六經論觀其傳龜策傳日者其事類淫巫瞽叟  
原本日訛見據史記改

諸子言性論至若杜牧皇甫湜李翱之徒原本湜訛湜  
據唐書改

聖人之書言行論仕則進而無可無不可心則縱而矩  
不踰按從心則縱心見興宗論語解

七十二賢論觀其命君陳命蔡仲原本君訛名今改

卷十九

隆州新倉郡樓記案宋史地理志隆州舊爲仙井監隆

興元年始改名原本州訛周今據改 又若牽乎廬  
阜賓乎衡麓原本阜訛追今改

卷二十

送魏元履序予初以昌處三館爲愧原本三訛至案興  
宗于孝宗時召試入三館今據改

跋劉原父文是歐陽子之所以敬學者歟其後蘇彥瞻  
執贄見公長安曰是出于天不可及者是氣也而彥  
由亦曰今之伯夷不可尚已案蘇彥瞻彥由卽子瞻  
子由也宋人有此稱殆不欲直斥先賢之字耳

嘉州德山和尚塔銘且一水顧異月萬竅顧異風乎原

本月訛曰今改

卷二十一

員公墓誌銘大儒蘇洵明允文同與可皆與之定交原  
本同訛周今改

卷二十二

論語解七十而從心所欲不踰矩惟其時中心則縱而  
矩不踰也案此解與集傳不同

攻乎異端斯害也已案此解攻字作辭而闢之已字作  
此字意其說亦與集傳不同

卷二十三

老子解衆人熙熙如享太牢如登春臺蹙登春臺王弼

注本作春登臺

柔弱勝剛強一本作柔勝剛弱勝強

侯王得一以爲天下貞其致一也案焦竑云致之下闕

元本無一也二字王弼注本從之又王侯無以爲

貞而貴高將恐廢王弼注本作王侯無以高貴將恐

廢與此互異

夷道若類案類字王弼注本作類河上公注本與此同

今仍其舊

子孫以祭祀不輟案韓非子以字下有其世世三字

毒蟲不螫猛獸不據攫鳥不搏案毒蟲他本俱作蜂蠆  
虺蛇惟河上公本與此同

是以聖人欲上人以其言下之案他本無聖人二字  
我有三寶保而持之案保而持之王弼注本作持而保  
之

善勝敵者不爭案爭字王弼注本作與

夫惟無知是以不我知也案不我知下各本俱無也字  
知不知尚矣案尚字各本俱作上併無矣字

民之飢以其上食稅之多也案多字下河上公及王弼  
注本俱無也字

卷二十四

秦州徙城北山北山卽隗囂故宮杜少陵所謂秦州山  
北寺故跡隗囂宮原本宮訛官又案杜甫秦州雜詩  
故跡隗囂宮故跡一本作傳字

四川山寨天設之險杜老謂萬古仇池穴潛通小有天  
原本杜老訛東老今改

卷二十五

紹興采石大戰始末案采石之戰乃紹興三十一年高  
宗親征詔葉義問督視江淮軍馬虞允文叅謀軍事  
是卷所紀始末甚詳足與史鑑互相參證

野處類藁 宋洪邁撰

卷上

曉過吳縣雙槽兀殘夢原本兀訛尤今改

陪餘杭張無隅先生飲士林師範六一翁原本一訛于  
今改

戲答胡汝能我介足怨忌君通絕嫌猜原本足怨二字  
互倒又猜訛精今並改

書窻對月今年有奇事三見飛玉英原本飛訛非今改  
宿野人家人家一宿晚可投原本晚訛曉今改  
度石棟嶺敲冰那可飲原本冰訛冷今改

寄題叔父池亭轉枕失高城原本枕說枕今改

蔬飯嗟余飯藜藿咽塞州沂瀨原本沂瀨說沂瀨今改

送僧往將妙響應空谷一任飛來遂止車原本車說梁

失韻今據六度集經改

卷下

題蘆鴈屏秋風不勝威原本威說威今改

十一月十九日與仲猷大年綽中美中飲于南臺空山

欲雪雲冥冥原本雪說聖 又此身垂欲走塵土原

本土說不 又金昆石友一開眉原本金說登案此

詩并見朱松韋齋集未知孰是今並據改

宿禪寂院瓦鴟鐵鳳凌空虛原本鐵說鸚據玉勃九成

宮頌序改

有懷舍弟逢年稀膏非鳳喙原本稀說稀據史記滑稽

傳改

秋懷淺源鴈可濫原本濫說盪 又策策井梧涼原本

涼說源 又後生抱奇衷原本衷說忠今並改

應齋雜著 宋趙善括撰

卷一

建明奏議廣南就邕州市馬久矣忽改而置之于南詔  
原本詔訛舟據宋史改

茶寇利害劄子贛吉袁撫四州之地正當擇守臣付以  
兵柄原本撫訛衝據宋史改

卷二

賀趙樞密啟翻紅藥于北門花磚不移於晝步對紫微  
於西掖蓮燭復聞於夜歸原本復訛後今改

賀謝太監啟久疎樂霧之披屢拜郇雲之賜原本披訛

鹿今改

郭都統啟窺文石之班識燕領虎頭之相假武昌之守  
參魚符龍節之榮原本石訛右據漢書改

卷五

過前岡見毀松有感暗引風聲號綠野密留雲影掛蒼  
枝原本綠野二字互倒今改

登梅仙壇觀中作樓與雲齊曾觀日壇因斗建欲捫天  
原本齊訛集今改

過清渚桑圃霜空乾葉舞麥畦雨潤翠苗斑原本苗訛  
毛今改

卷六

鷓鴣天和冠之韻如今重到經行處妙墨新詩得屢聞  
原本經行訛行徑今改



